

BOSNA I HERCEGOVINA  
FEDERACIJA BOSNE I HERCEGOVINE  
ZENIČKO-DOBOJSKI KANTON  
KANTONALNO TUŽILAŠTVO-TUŽITELJSTVO  
ZENIČKO-DOBOJSKOG KANTONA

Broj: T04 0 KTPO 0036666 18  
Zenica, 23.11.2021. godine

**OPĆINSKOM SUDU**  
**-Sudiji za prethodno saslušanje-**  
**KAKANJ**

Na osnovu člana 45. stav 2. tačka i) i člana 241. stav 1. ZKP FBiH, p o d i ž e m

**O P T U Ź N I C U**

Protiv:

**Alihodžić Muniba**, iz Zavidovića, osuđivan za krivično djelo zloupotrebe položaja ili ovlašćenja i krivično djelo nesavjestan rad u službi,

što je,

- **u svojstvu odgovorne osobe JP ŠPD ZDK d.o.o. Zavidovići** kao član Komisije za obnavljanje utvrđene granične linije između državne i privatne šume i šumskog zemljišta, u kojem svojstvu je ovlašten članom II Odluke o imenovanju komisije JP ŠPD ZDK Zavidovići broj 03-2601-3/16 od 28.04.2016. godine i broj 03-1600-3/16 od 10.05.2016. godine, gdje je navedeno da je zadatak komisije da na licu mjesta izvrši obnovu ranije utvrđene granice na osnovu skice i zapisnika o razgraničenju izdatog od strane opštine Kakanj na parcelama broj k.č. 2922/6 KO Vukanovići i broj k.č. 2626 KO Brnjic, te da obnovu i obilježavanje granice izvrši u skladu s članom 34. stav 3, 4, 5, i 6 Zakona o šumama ZDK,

- **u kojem svojstvu je iskoristivši službeni položaj i ovlašćenja** dana 16.05.2016. godine, na području općine Kakanj, prilikom rada u Komisiji obnavljajući utvrđene granične linije DŠ oznakama postupio suprotno članu 34. stav 3, 4, 5 i 6 Zakona o šumama Ze-Do kantona i članu 3, 5 i 7 Pravilnika o načinu obilježavanja granica državnih šuma i šumskog zemljišta, o vrsti i postavljanju graničnih znakova, na način da je po zahtjevima za obnovu granične linije i to M. V. za njegovu privatnu parcelu broj k.č. ... KO Brnjic i K.R. za njegovu privatnu parcelu broj k.č. ... KO Vukanovići izašao na lice mjesta zajedno sa članovima komisije Č. E. i Š. A. kojima je odredio na koje drvo da se postavi svaka DŠ oznaka, te su oni tako izvršili označavanje, iako je bio svjestan da postavljene DŠ oznake nisu u skladu sa ranije utvrđenom graničnom linijom, što je i htio, a nakon toga sačinio Zapisnike o obnavljanju graničnih linija u koje je unio nove DŠ oznake koje su pomaknute unutar parcela državne svojine i ne odgovaraju stvarnoj granici prema važećim katastarskim planovima, pa je time povećana površina privatnih parcela i to za parcelu M. V. za 2310 m<sup>2</sup>, a za parcelu K. R. za 2390 m<sup>2</sup>, na koji način je pribavio korist M. V. i K. R. u vidu povećanja površine njihovih zemljišnih parcela i omogućavanja podnošenja zahtjeva za sječu šume na istima, za koje površine je oštećena Kantonalna Uprava za šumarstvo Ze-Do kantona,

čime je počinio krivično djelo zloupotreba položaja ili ovlašćenja iz člana 383. stav 1. KZ F BiH.